

Bukketliest

©Tekst: Henk Deters

Muziek: Henk Deters /Maurice Koonings

***Ik heb un bukketliest gemakt
Ik heb al mien groeëte wense nog es op papier gekwakt
Och misschien wer ik wel honderd, as de Lieve Hier ut wil
Mar un bukketliest is trendy, un bukketliest is chill
Ik zal potdomme wieëte dat ik laef, wieëte dat ik laef
Vur ik de pieep an Maarte gaef***

Ik denk dat ik vandaag an mien bucketliest begin.
Want stel ow toch es vur dat ik d'r merge nie mer bin
En daorbej ik bin wer toe, an un duchtig hoogtepunt
Want onder os gezeet, da's mej al dage nie gegund

'k heb un lange liest, dus begin ik mar accuut.
Jao dizze jong den bungelt merge an **un parachute**
Tenminste as ie ope gó't, want anders is ut triest
En lig ik daor te kieke, mit mien lange bukketliest

Ik draej d'r nie um hin, dus gewoon mar toe de point,
Aens wil ik nog hijse an unne **dikke vette joint**
Of un pilleke mit XTC, ik gaoj as un raket
En hoef de urste 14 dage echt nie mer naor bed

Héj, dan kan ik um gaon loeëpe, dat lange Pieterpad
En de weg naor Santiago heb ik ok nog nie gehad
Ik wil nog **bungi-jumpen**, van un hieële hoeëge brug
Un hoëge want un liëge, das nie goed vur miene rug

Reize wil ik make verre lande stuk vur stuk
As urste pak ik **Syrië**, want daar is ut nou nie druk
En per kameel sjok ik dan dur, nor **Afganistan**
Daor lier ik dan ut "**Onze vader**" an de Taliban

Of same mit mien vrouw gaon kieke, nor ut **Noorderlicht**
Onder de gruune hemel schrief ik un moj gedicht
Australië, Nieuw Zeeland, bin ik ok nog nie gewist
En ik zal nie rääste vur ik ien de **Po** heb ge.....zwomme

Dat zien zoewe van die dinge die op mien liestje staon
Un enkelreis nor mars, of retourtje nor **de maon**
Of hieël gewone dinge zoewas ut aaie van **un poes**
Mar wel ut liefste de poes, de poes van **Doutzen Kroes**

En heb ik alles afgevinkt, zelfs **Maxima** gekust
Dan is mien einde nader, dan bin ik uitgeblust
Dan kiek ik effe achterum nor hoe mien laeve liep
En zeg ik tigge Maarten: "Asteblijf, hier is mien piep"